

**ԵՐԵՎԱՆԻ ԱՎԱԳԱՆՈՒ  
ԲԱՐԳԱՎԱՃ ՀԱՅԱՍՏԱՆ ԽՄԲԱԿՑՈՒԹՅԱՆ  
ԱՆԴԱՄ ՊԱՐՈՆ Մ. ՀԱՐՈՒԹՅՈՒՆՅԱՆԻՆ**

**Հարգելի պարոն Հարությունյան.**

Ի պատասխան Ձեր **17.12.2018թ. 01/22Մ** գրության՝ տեղեկացվում է.

Երևան քաղաքի ավագանու **2015** թվականի ապրիլի **30**-ի «Երևան համայնքի վարչական տարածքում գտնվող քաղաքացիական հոգեհանգստի (հրաժեշտի) ծիսակատարության ծառայությունների իրականացման և (կամ) մատուցման համար նախատեսված շենքերին և շինություններին ներկայացվող սահմանափակումները, պահանջները և պայմանները սահմանելու մասին» **N319**-Ն որոշման հավելվածի **4**-րդ կետի **1**-ին ենթակետի համաձայն՝ քաղաքացիական հոգեհանգստի իրականացման սրահները կարող են գտնվել ուսումնական, կրթական, մշակութային, առողջապահական, մարզական և սոցիալական կազմակերպություններից, հիմնարկներից, հաստատություններից, հյուրանոցներից, բազմաբնակարան շենքերից, պետական և միջազգային կազմակերպությունների կամ դրանց ներկայացուցչությունների վարչական շենքերից, զբոսայգիներից, այգիներից, պուրակներից, հանգստի կամ ժամանցի համար նախատեսված այլ վայրերից, հանրային սննդի օբյեկտներից նվազագույնը **100** մետր, իսկ անհատական բնակելի տներից՝ նվազագույնը **70** մետր հեռավորության վրա, բացառությամբ՝ եթե դրանք գտնվելու են.

ա) հիվանդանոցներում գործող ախտաբանաանոտմիական բաժիններում կամ բաժանմունքներում, կամ

բ) գերեզմանատներին (բացառությամբ՝ Եռաբլուրի, Կոմիտասի անվան պանթեոնի) կից գերեզմանատների զբաղեցրած հողամասի սահմանից մինչև **50** մետր հեռավորության վրա:

Հաշվի առնելով վերոգրյալը և այն հանգամանքը, որ «Զուլեր» սգո ծառայությունների համալիրի հողամասի և «Շահումյան **1**» գերեզմանատան հողամասի միջև հեռավորությունը կազմում է մոտ **40** մետր, ուստի՝ այս դեպքում հեռավորության սահմանափակման պահանջը չի գործում: Միլիկյան հին խճուղու ճանապարհահատվածում գործող սգո սրահները վերը նշված ավագանու որոշման պահանջներին համապատասխան ունեն ավտոկայանատեղիներ:

Ինչ վերաբերում է փողոցի ծանրաբեռնվածությանը, տեղեկացվում է, որ այն հանդիսանում է «Շահումյան **1**» և «Շահումյան **2**» գերեզմանատներ տանող ճանապարհը, որը օրվա երկրորդ կեսից հետո գերծանրաբեռնվում է, ինչպես նաև երթևեկությանը կարող է խոչընդոտ հանդիսանալ նաև նոր ճանապարհի շինարարական աշխատանքների իրականացումը:

**ԵՐԵՎԱՆԻ ՔԱՂԱՔԱՊԵՏԱՐԱՆ**